

UNIVERZITET U TUZLI
Broj: 01-166-JN-10/18 LOT1
Tuzla, 22.03.2019. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-166-JN-9/18 LOT 1 od 21.03.2019. godine, po punomoći Rektora Univerziteta u Tuzli broj: 01-5936/17 od 18.09.2017. godine Direktor za ekonomske poslove donio je

O D L U K U

O DODJELI OKVIRNOG SPORAZUMA I UGOVORA

I

U okončanom otvorenom postupku javne nabavke potrošnih sredstava za održavanje higijene za potrebe Univerziteta u Tuzli sa sukcesivnom isporukom do 31.12.2019. godine (LOT 1), izabran je ponuđač „Defter“ d.o.o. Sarajevo u ukupnom iznosu od 15.173,61 KM sa uračunatim PDV-om, te se istom dodjeljuje okvirni sporazum i ugovor o nabavci.

II

Ponuda ponuđača iz tačke I ove Odluke ocijenjena je kao najpovoljnija iz razloga što ispunjava sve uslove postavljene u tenderskoj dokumentaciji i što je nakon provedene e-aukcije imala najnižu cijenu.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH navedene u tački 8. Tenderske dokumentacije.

Obrazloženje

Univerzitet u Tuzli pokrenuo je postupak javne nabavke potrošnih sredstava za održavanje higijene sa sukcesivnom isporukom do 31.12.2019. godine (LOT 1) s namjerom zaključivanja okvirnog sporazuma sa jednim ponuđačem putem Otvorenog postupka javne nabavke broj: 01-166-JN-1/18 od 30.11.2018. godine. Obavještenje o nabavci objavljeno je na portalu javnih nabavki e-nabavke broj: 795-1-1-7-3-19/19 od 29.01.2019. godine, u „Službenom glasniku BiH“ broj: 7/19 od 01.02.2019. godine i web stranici Univerziteta.

U ostavljenom roku ponude su dostavila tri ponuđača „Defter“ d.o.o. Sarajevo i „Inter com“ d.o.o. Zenica i „Tarco ST“ d.o.o. Bijeljina.

Komisija je pregledala dostavljene ponude i konstatovala slijedeće:

Ponuđač „Tarco ST“ d.o.o. Bijeljina nije dostavio sve dokaze na način kako je zahtijevano tenderskom dokumentacijom i to:

- Nije dostavio sadržaj ponude zahtijevan tačkom 4.1.a);
- Dostavio je Obrazac za cijenu ponude, potpisan i ovjeren od strane ponuđača ali isti nije propisno popunjen. Naime, u koloni 5, u kojoj je traženo da se navede „Tačan naziv proizvoda, naziv proizvođača i zemlja porijekla“ ovaj ponuđač od stavki pod rednim brojevima 7. i 9., u koloni 5 nije naveo ni proizvođača ni zemlju porijekla, a kod stavke pod rednim brojem 20. nije naveo naziv proizvođača. Tačkom 4.1.d) od ponuđača je zahtijevano da dostave Obrazac za cijenu ponude propisno popunjen, potpisan i ovjeren od strane ponuđača;

- Dostavio je ovjerenu kopiju Rješenja o registraciji, čiji je datum izdavanja 11.09.2017. godine, što znači da je stariji od tri mjeseca. Tačkom 3.4.1 i tačkom 4.1. f) tenderske dokumentacije od ponuđača je zahtijevano da u svrhu ispunjavanja uslova o sposobnosti obavljanja profesionalne djelatnosti (član 46. Zakona) dostave kao dokaz ovjerenu kopiju rješenja o registraciji ili aktuelnog izvoda iz sudskog registra s tim da datum izdavanja originala ne može biti stariji od tri mjeseca računajući od dana dostavljanja ponude,
- Ponuđač nije dostavio deklaracije za sve ponuđene artikle u svojoj ponudi, i to za stavke pod rednim brojem 6., 11. i 20., zatim kod fotografisanih deklaracija kod stavki pod rednim brojem 7. i 13. se ne vidi naziv proizvođača. Od ponuđača je zahtijevano da dostave proizvođačke deklaracije za sve stavke, koje moraju biti usklađene sa ponuđenim proizvodom (Deklaracija se dostavlja kao neovjerena kopija, može i kao print verzija sa interneta, na kojoj se vidi detaljan opis ponuđenog proizvoda- tačka 4.1. n) tenderske dokumentacije),
- Ponuđač nije numerisao strane u svojoj ponudi a tačkom 4.2. zahtijevano je da sve strane ponude budu numerisane.

Zbog navedenih razloga ovaj ponuđač je ocijenjen nekvalifikovanim a njegova ponuda je odbijena i u daljem postupku ocjene nije se poredila sa prihvatljivim ponudama ostalih kvalifikovanih ponuđača.

Ostali ponuđači dostavili su sve dokaze zahtijevane tenderskom dokumentacijom na način kako je zahtijevano zbog čega su ocijenjeni kvalifikovanim za dobro obavljanje posla.

Ponude kvalifikovanih ponuđača Komisija je pregledala i konstatovala da su iste prihvatljive te ih je u skladu sa uslovima postavljenim tenderskom dokumentacijom i obavještenjem, te u skladu sa Pravilnikom o uslovima i načinu korištenja e-aukcije ("Službene novine BiH" broj: 66/17) unijela u bazu e-nabavke radi provođenja e-aukcije.

Nakon uspješno okončane e-aukcije i u skladu sa Izvještajem o toku i završetku e-aukcije od 21.03.2019. godine sačinjena je slijedeća rang lista ponuda po povoljnosti:

1. "Defter" d.o.o. Sarajevo
2. "Inter com" d.o.o. Zenica

Budući da ponuda ponuđača "Defter" d.o.o. Sarajevo u svemu zadovoljava zahtjeve Univerziteta predviđene tenderskom dokumentacijom i nakon provedene e-aukcije, ima najnižu ponuđenu cijenu Komisija je predložila da se istom dodijeli okvirni sporazum i ugovor.

Cijeneci izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektora Univerziteta u Tuzli Direktor za ekonomske poslove prihvatio je preporuku Komisije i odlučio kao u dispozitivu ove Odluke.


Pravna pouka: Protiv ove Odluke može se podnijeti žalba ugovornom organu Univerzitetu u Tuzli u roku od 10 (deset) dana od dana njenog prijema, na adresu dr. Tihomila Markovića br.1.

Prilog: Zapisnik o pregledu i ocijeni ponuda broj:

01-166-JN-9/18 LOT 1 od 21.03.2019. godine

Izvještaj o toku i završetku e-aukcije od 21.03.2019. godine

DOSTAVITI:
1x učesnicima
1x a/a



DIREKTOR ZA
EKONOMSKE POSLOVE

Fuad Čerčić, MA ekonomije